

官職儀制

詞翰書籍

典故沿革

七

皇朝類苑

十八之冊三

前... 皇朝... 卷之二十八

官... 卷之二十八

...

元宗... 卷之二十八

...

...

...

...

...

...

...

...

...

新雕 皇朝類苑卷第二十八

官職儀制

武臣賜笏頭帶

太宗命創方團毬路帶亦各笏頭帶以賜二府文臣
明道初張徐公為樞密使兼侍中獨得賜之皇祐初
李侍中用和以叔舅勳賜時王侍中貽求為樞密院
遂并賜之其後曹侍中亦以叔舅而賜焉

封賜

凡拜職入謝多有對賜拜官加勳封謝恩雖二府亦
無有景德初王冀公以參知政事判大名府召還加
邑封時契丹方講好真宗欲重其事冀公入謝特
命以衣帶鞍馬賜之自後二府轉官加階勳封邑入
謝並有對賜



郊禮召耆德侍祠

皇祐二年仁宗始祀明堂范文正公時守杭州而杜正獻致政居南都蔣侍郎希魯致仕居蘇州皆年老體康范公建言朝廷闕禮宜召元老舊德陪祀供帳都亭驛以待焉二公卒不至加賜衣帶器幣賜一子出身自後前兩府執政者大禮前率有詔召之然亦無至者禮畢皆賜衣帶器幣焉

二府拜恩詣景靈宮謝

文穆王冀公天聖初再為相既拜命謝恩即詣詣景靈宮奉真殿朝謝真宗皇帝冀公仍以五日十建置道場託先公為齋文其略曰奉諱之初謝病於外臨西宮而莫及企南狩以方遙失其本餘不盡記自後二府初拜恩入謝即詣景靈踵冀公故事也

都省議事儀式

先公嘗言自太祖臨御以來百司人吏艱於選補繇是臺省舊規漸成廢墜吾前忝罷右僕射省中並非舊吏惟私名散官三數人主掌按藉而已其舉措祇應山野遠其詢省中故事則懵然莫知也適會勅下集三省官議事省吏以狀白吾詰之曰三省官議事僕射入省乎曰不知也臺省官與丞郎尚書雜坐乎曰不知也掌名表郎官與監議御史何向而坐曰不知也左右丞與尚書坐孰為主曰不知也吾為主客郎中掌誥曰時吏部尚書張公昭兵部尚書李公儔左丞趙公上交中丞劉公溫叟致仕楊尚書昭以耆儒碩德俱在班列屢陪諸公於都省議事大凡在內庭論職不論官入都省論官不論職如翰林學士

文明學士、樞密直學士、三司副使並同上。帶兩省官及都省官遇議事之日入都省並綴本班坐。此論官不論職也。如郎中則嚮郎中坐。諫議則嚮諫議坐也。每議事所司於都堂陳帝幕具酒饌設左右丞坐於堂之東北面南向設御史中丞坐於堂之西北面南向設六尚書侍郎坐於堂之東廂面西向設兩省尚侍給事諫議坐於堂之西廂面東向。如兩省有侍郎則改左右尚侍坐。設知名表郎官坐於堂之東南面北向設監議御史坐於堂之西南面北向又設左右司郎負外坐於左右丞後設三院御史坐於中丞之坐。設諸行郎中負外坐於尚書侍郎之後設左右司諫正言坐於給舍諫譏之後並重行異位故事左右僕射與侍中中書令是為四相自唐開元之後僕射

官

參知政事然非軍國大事本省會議事之日三省官早赴省就次所司先以議事徧呈諸官略知大意然後所司引知名表郎官執黃卷黃卷即所議事升廳就本位次引小兩省官就本位次引郎中負外就本位次引三院御史就本位次引兩省次官引尚書侍郎次引御史中丞各就本位然後左右丞外廳所司抗聲曰揖羣官對揖訖各就坐知名表郎官以黃卷授所司所司捧詣左右丞知左右丞闕即次判都省官一人事左右丞執卷展讀訖然後授於中丞於尚書侍郎迺遷展讀訖復授於知名表郎官始命茶酒進食每行酒進食所司抗聲曰揖揖訖群官方飲酒爵止於三行後或以醴擘不設食欲畢所司捧筆硯立於左右丞之前一吏抗聲曰請定訖左右丞捧筆叩

頭所司曰揖左右丞與羣官揖設然後以一幅紙寫所議事節署名於其下迺遷授於四坐監議御史命一吏抗聲曰有所見不同者請不押押字在坐如有異議不問官位高卑並於進狀論別候進止後食訖所司復抗聲曰食畢揖羣官對訖各降階出就本次以所議事可否共列狀進入以高者為表首如諸司三品以上並入省議事即諸司三品坐於尚書侍郎之南東宮一品坐尚書侍郎之前武班二品坐於給舍之南並同席異位如議大事僕射御史大夫入省惟僕射鞍轡至廳下馬餘官並門外下馬設僕射大夫位於左右丞之前並行異位揖畢押字皆僕射專之矣故徐騎省鉉博古之士多知典故亦言在江南見舊儒所說議事次第與吾略同命寫一圖子授與

省吏即不知此輩能遵守否已上並見春明退朝

南郊執仗兵士

梁開平二年南郊執儀仗兵士計二千九百七十人建隆四年南郊執儀仗兵士一萬三千六百人太常寺鼓吹等二千六百四人太僕寺推駕兵士六百八十二人六軍執擎人負兵士五百五十二人左右金吾街仗各一百二十五人左金吾仗三百五十八人右金吾仗三百五十九人殿中省押番人負并執擎兵士共五百三十一人司天臺一百六十二人八司都四千三百七十三人合兵部一萬七千四百三十三人出金坡遺事

中書密院執政官非假日不得私第見客慶曆三年九月丁丑知諫院蔡襄上言自今中書樞

密院執政官非休假日私第不得見客欲詢訪外事者聽呼召從之

太祖令文武臣入見謝畢乃得詣正衙

舊制文武羣臣由一命而上自外至京必先詣正衙見訖乃得入見辭謝亦如之

太祖皇帝御極之初親揔庶務嘗驛召一邊臣入對將授以方略訝其到闕已數日而未見左右或奏以未過正判

太祖意不平之乃令自今皆入見謝畢乃得詣正判遂為定制

樞密院別撰時政記

左右史所以記言動也然則王者之密畫功問弼臣之僉諧獻納外廷分職莫克與聞則中書有時政記得以計述焉近制參知政事二員共掌其任復有羣

終

司上殿奏事及親奉德音或特出宸斷可以訓俗示後者月錄錄送中書同編纂編訖奏御宣付史館景德祥符中知樞密院王公欽若陳公堯叟請自今樞密院所觀嘉言美德更不錄送中書願為時政記從之

譯經潤文使

太平興國中始置譯經院於太平興國寺延梵學僧翻譯新經始以光祿卿湯悅兵部員外郎張公洵潤色之後趙文定楊文公鼎文莊李尚書維皆為譯經潤文官天禧中宰相丁晉公始為使天聖三年又以宰相王冀公為使自後宰相繼領之然降麻不入銜又以參政樞密為潤文其事浸重每歲誕節必進新經前兩月二府皆集以觀翻譯謂之開堂亦唐之清

流盡在也前一月譯經使潤文官集以進新經謂之
閑堂慶曆三年呂許公罷相以司徒為譯經潤文使
明年致仕章郇公代之自後乃降麻入銜

太常寺官

太常寺國初以來皆禁林之長主判而禮院自有判
院同判院大中祥符中符瑞繁縟別建禮儀院輔臣
主判而兩制為知院天禧末罷知院天聖中省禮儀
院而寺與院事舊不相兼康定元年置判守同判寺
並兼禮儀事近有至六七人者按太常置卿一員少
卿二員博士四員祥符中博士二員後加至四員今
若置判寺一員同判寺二員合唐之卿數矣天聖元
年改同判院為同知院即博士也

宰相帶館職

唐制宰相四人相帶太清宮使次三相皆帶館職洪
文館大學士監修國史集賢殿大學士以此為次序
本朝置二相昭文修史首相領焉集賢次相領焉三
館職唯修史有職事而頗以昭文為重自次相遷首
相迺得之趙令初拜止獨相領集賢殿大學士續兼
監修國史又之遷昭文館薛文惠與沈恭惠並相
薛自參政領監脩相仍舊而沈領集賢畢文簡與寇
忠愍並相而畢領監修寇領集賢王太尉相並止領
集賢近時王文惠龐莊敏初拜及獨相悉兼昭文修
史二職非舊制也

文臣自使相除樞相罷節還舊官

文臣自使相除樞相罷節而還舊官景祐元年王沂
公自使相帶檢校官復為吏部尚書同平章事充樞

密使慶曆七年夏鄭公自使相入樞仍帶節度使亦非舊制也

文臣為使相節度使

太祖太宗時文臣為使相唯趙令一人真宗時寇萊公王冀公二人節度使李南陽一人乾興後難遽數矣

文臣換武

唐文武參用袁滋自尚書右丞出華州刺史召為左金吾衛大將軍如是者數人本朝頗循其制工部侍郎王公明兼黃州刺史給事中喬公維岳換海州刺史三司使尚書左丞李公士衡換同州觀察使翰林學士工部侍郎陳公堯咨換宿州觀察使如錢鄧州及慶曆初韓范龐王四公皆換觀察使以用兵擢之

也龍圖閣直學士馬公季良換秦州防禦使非羨譽也

武臣換文

武臣換文資者太宗時白州刺史錢昱換秘書監遷二部侍郎復換觀察使

王冀公為大資政請鑄印不許

真宗優待王冀公景德中罷參知政事始置資政殿學士以命之宰相寇萊公頗抑之班翰林之下乃命為大學士冀公請鑄印不許遂領尚書省自有印也

太尉在三師之下

太尉舊在三師之下繇唐以來以上公為重李光弼自司空為太尉薨贈太保郭子儀自司徒為太尉薨贈太師李德裕自司徒為太尉皆以超拜李載義自

司徒為太保王智興自司徒為太傅二人卒俱贈太尉是以上公寵待宗臣餘雖有功可遷保傅而掌武之尊不可得也五代至國初節度皆自檢校太傅遷太尉太尉遷太師然無升秩明文

不歷郎官為大諫

唐姚南仲不歷尚書侍郎而入府便為僕射近世鄭文肅劉丞相張尚書方平王宣徽拱辰滕侍讀甫呂給事惠卿鄧中丞潤父皆不歷郎中員外而便為諫議大夫

遷郎曹

尚書省二十四司唐世以事簡者兼學士舍人本朝唯重左曹名曹館職提點刑獄例得名曹而開封府判官轉運使得名曹又遷左曹學士舍人待詔遷二

資帶史撰更得優遷如王原叔自工部郎中遷吏部郎中是也朝官帶史館亦得優遷李邕鄆自博士為禮部員外郎賈魏公自司封員外郎為禮部郎中是也已上並出春明退朝錄

侍制更直

皇祐初三司出絹數十萬收布穀粟轉運司均配入戶變納見錢期限甚促韓魏公以軍儲不貲請滿歲方輸官仍免配坊郭第四第五等戶鄉材亦聽以斛斛折納於是人力舒緩無逼迫之憂見忠獻魏王別錄

宣徽使位樞密使下

宣徽使舊亞樞密使在樞密副使同知樞密院之上咸平中周瑒拜宣徽使有所畏避因陳頽居其下先

帝從之遂為常制自瑩始也出沂國文正公筆錄

駕親臨問臣僚

邢昺嘗被疾請告真宗親臨問賜藥一奩銀器千兩綵千匹國朝故事非宗戚將相問疾臨奠帝不親行惟昺與郭贄以恩舊特用此禮儒者榮之邢止問疾郭止復臨喪揚文公談苑

兩府親戚回避

國朝舊制父子兄弟及親近之在兩府者與侍從執政之官必相迴避熙寧初呂公弼為樞密使其弟公著除御史中丞制曰久欲登於近用尚有避於當塗公弼聞之義不能安遂乞罷樞府又之以觀文學士知并州

又

韓魏公掌誥妻父入參大政引唐獨孤郁權德輿故事懇求解職太宗覽奏稱歎除集賢殿修撰趙公罷公復職詔冠西掖親擇牯犀帶以賜之今丞相陳公堯作相壻王舉正晏殊作相壻楊察忠獻韓公執政婿李淑皆引公之請為法改以他職見獻魏王別錄

具負

具負用小方冊子可五六寸蓋置於懷袖也每官位以黃帑標隔之親王二中書三樞密院四使相節度使五僕射尚書六三司使七翰林侍講侍讀密直龍圖閣學士八中丞丞郎給舍諫議待制九留後觀察防禦使出蓬山志

軍巡馬步院用文吏

先是軍巡及馬步院判官皆用郡府吏建隆元年始
詔兩京軍巡諸州馬步院判官令吏部流內銓擇選
人無遺闕者聽減兩選補之始用文吏也

定合班儀

建隆三年重定合班儀外六曹侍郎在給事舍人之
上郎中在補闕之上負外郎在拾遺之上節使在六
曹侍郎之上中書侍郎之下故事北省官爲侍從班
五品押南省四品四品押南省五品節使在諸司三
品之下至是改焉

賜百官冬服

建隆三年十月賜文武常參官冬服累朝止賜將相
翰林學士諸軍大校至是太祖曰冬服不及百官
甚無謂也故賜之

一品致仕官綴班

建隆四年詔一品致仕官曾帶同平章事者每遇朝
會宜綴中書門下班是時太子太師致仕侯益等來
陪祀故下是詔

罷代判官

乾德二年詔諸州長吏或有須籍人代判者即於賓
佐中擇公幹者充不得更任元從人先是承五代以
來領節旄爲郡守者多武夫皆不知書所至必自置
吏謂之代判政事一以委之用權不法太祖知其弊
至是罷之

臺省寺官以三周轉官

乾德四年詔御史臺吏部流內銓南曹刑部大理寺
自少卿郎中負外郎知雜侍御史以下及丞簿司直

評事等並以三周年為滿須常在本司泣事者至月
限滿即與轉官

常參官朝官

詔京朝官將命出入及受代歸闕者宜令中書舍人
郭贄膳部知雜事滕中正戶部郎中雷德驥同考校
勞績及銓量材器候有闕中書類能以授之先是常
參官自一品以下皆謂之京官未嘗參官謂之未嘗
參官近代以常參官為朝官未嘗參官為京官故有
朝官之目

登聞檢院

雍熙元年改匭院為登聞院東延恩匭為崇仁檢南
招諫匭為思諫檢西申寃匭為申明檢北通玄匭為
招賢檢

選人赴調求職官

淳化五年十一月詔吏部選人赴調並須於京朝內
求一人為職官用府縣諸寺監印

詔勅藏勅書樓

六月詔天下前後詔勅並藏於勅書樓著以籍受代
日交相付仍於印帛曆及南曹曆內批書

羣臣入閣

十二月朔太宗御文德殿羣臣入閣禮畢百官廊
下殮唐制朔望天子御宣政殿授百官起居諸司奏
事伏衛如式敬宗始於紫宸為入閣之儀五代以來
禮容多闕至是始復舊已上

皇朝類苑卷第二十八

新雕皇朝類苑卷第二十八
對容與關匪去欲...
事大...
不...
日...
六月...
本一人...
五...
五...

新雕 皇朝類苑卷第二十九

詞翰書籍

制詞異名

學士之職所草文辭名目浸廣拜免公王將相妃主

曰制賜恩宥曰赦書曰德音處分事曰勅榜大號令

曰御札賜五品官已上曰詔六品已下曰勅書批勅

郡臣表奏曰批荅賜外國曰蕃書道醮曰青詞釋門

曰齋文教坊宴會曰白語土木興建曰上梁文宜勞

錫賜曰口宣此外更有祝文祭文諸王布政榜號簿

隊名讚佛文疏語復有別受詔旨作銘碑墓誌樂章

奏議之屬此外章表歌頌應制之作舊說唐朝宮中

常於學士取眠兕歌偽蜀學士作挑符文孟昶學士

辛寅遜題桃符云新季納餘慶佳節魏長春是也

白麻

翰林規制自好右皇太子親王公主宰相樞密節度使並降制用白麻紙書每行四字不用印進入後降付正衙宣讀其麻即付中書門下當日本院官告院取索綾紙待詔寫官告只用麻詞官告所署中書三司官宜奉行並依告身體式常用閣長一人銜位

先

載

西掖植紫微

咸平中翰林李昌武宋初知制誥至西掖追故事獨無紫微自別墅移植聞今庭中者院老吏相傳猶是昌武手植晏元獻寫賦於壁曰得自羊墅來從召園有昔日之絳老無當時之仲文觀茂悅以懷舊指蔽芾以思人

湘山野錄

荅北戎書

景德初北戎請盟欲撰荅書又亡體制時趙文定安仁為學士獨記太祖朝書禮規式詔撰之及修講盟好之制深體輕重朝論羨之時

玉壺清話

知制誥上事圖長歷角

出春明退朝錄

舍人院每知制誥上事必設紫褥於庭面北拜廳閣長立褥之東北隅謂之歷角宗衮作掖垣叢誌而不解其事按唐書亦無聞焉唯裴廷裕正陵遺事云舍人上事知印宰相當歷角則其禮相傳自唐也予為舍人日邵興宗入院不疑為閣長歷角時議羨之

學士繫鞋

翰林故事學士每退於中書皆公服鞞鞋坐王堂使院吏入白學士至丞相出迎然此禮不行久矣

章惇

為知制誥直學士院力欲行之會一日兩制俱白事于中書其他學士皆韜足秉笏而惇獨散手繫鞋翰林故事十廢七八忽行此禮大喧物議而中丞鄧綰尤肆詆毀既而罷惇直院而繫鞋之禮後亦無肯行之者京師春秋社祭多差兩制攝事王僕射珪為內外制十五季祭社者屢矣

學士俸薄

先朝翰林學士不領宅局故俸納最薄楊億又為學士有乞郡表其略曰虛忝甘泉之從官終作莫敖之餒鬼又有萬朝飢欲死之句自後乃得判他局至元豐改官制而學士無主判如先朝矣

進退宰相議論皆出學士

進退宰相其帖例草儀皆出翰林學士舊制學士有

方

闕則第一廳舍人為之嘉祐末王荆公為閣老會學士有闕韓魏公素忌介甫不欲使之入禁林遂以端明殿學士張方平為承旨蓋用舊學士也既而魏公罷政凡議論皆出安道之爭已上出東軒筆錄

知制誥先試後命

國朝之制知制誥必先試而後命有國以來百年不試而命者纔三人陳堯佐楊億及脩忝與其一爾

李潤筆

王元之在翰林嘗草夏州李繼遷制繼遷送潤筆物數倍於常然用啟頭書送拒而不納蓋惜事體也近時舍人院草制有送潤筆物稍後時者必遣院子詣門催索而當送者往往不送相承既久今索者送者皆恬然不以為恠也

手

學士朱衣雙引

故事學士在內中院吏朱衣雙引太祖朝李昉為學士太宗在南衙朱衣一人前引而已昉亦去其一入至今如此

學士入劄不著姓

往時學士入劄不著姓但云學士臣某先朝盛度丁度並為學士遂著姓以別之其後遂皆著姓

三館

梁祖都汴庶事草創正明中始於今右長慶門東北創小屋數十間為三館湫隘尤甚又周廬微道咸出其旁衛士騶卒朝夕喧雜每授詔撰述皆移他所至太平興國中車駕臨幸顧左右曰若此卑陋何以待天下賢俊即日詔有司規度左昇龍門東北居府地

為三館命內臣督役晨夜兼作不日而成尋下訪詔賜名崇文院以東廊為昭文館書庫南廊為集賢院書庫西廊八經史子集四部為史館書庫九六庫書籍正副本僅八萬卷斯為盛也昭文館本前世弘文館建隆中以其犯宣祖廟諱改焉淳化初以呂祐之趙昂安德裕句中正並直昭文館則本朝直昭文館自呂祐之等始也

集賢有直院有校理端拱初以李宗諤為集賢校理淳化初以和嶮蒙為直集賢院則本朝直集賢校理自和嶮蒙李宗諤始也

史館有直館有修撰有編修有校勘有檢討太平興國中趙鄰幾呂蒙正皆為直史館掌修撰而楊文舉為史館編修是時修撰未列於職至至道中始以李

和嶮者和嶮亦也見宋史列傳九十八

若拙為史館修撰壯熙中宋炎為史館校勘淳化中以郭延澤董元亨為史館檢討則本朝直史館史館編修史館修撰史館校勘史館檢討自趙隣幾呂蒙正李若拙楊文舉宋炎郭延澤董元亨等始也本朝三館之外復有秘閣圖書故秘閣置直閣又置校理咸平初以杜鎬為秘閣校理後充直秘閣則本朝直秘閣秘閣校理皆自杜鎬始也

三館謂

字同宜祖廟諱上一字

文館史館集賢院建

隆元年二月避諱字詔易名昭文館

端拱元年五

月詔置秘閣於崇文院之中堂

學士賜帶不佩魚

國朝之制自學士已上賜金帶者例不佩魚若奉使契丹及館伴北史則佩事已復去之惟兩府之臣則

賜佩謂之重金

得學士體

仁宗初立今上為皇子令中書召學士草詔學士王珪當直召至中書諭之王曰此大事也必須面奉聖旨於是求對明日面稟得旨乃草詔羣公皆以王為真得學士體也

咨報

唐人奏事非表非狀者謂之榜子亦謂之錄子今謂之劄子凡羣臣百司上殿奏事兩制以上非時有所奏陳皆用劄子中書樞密院事有不降宜勅者亦用劄子與兩府自相往來亦然若百司申中書皆用狀惟學士院用咨報其實如劄子亦不出名但當直學士一人押字而已謂之咨報今俗謂草書七名為押

其字

字也。此唐學士舊規也。唐世學士院故事，近時墮廢殆盡，惟此一事在爾。

學士日益自卑

往時學士循唐故事，見宰相不具鞋笏，繫鞋坐玉堂上，遣院吏計會堂頭直省官學士將至，宰相出迎。近時學士始具靴笏，至中書與常參官雜坐於客位，有移時不得見者。學士日益自卑，丞相禮亦漸薄，並習見已久，恬然不復為恠也。

翰林院故事

唐翰林院在禁中，乃人主燕居之所。玉堂承明金鑾殿皆在其間，應供奉之人自學士已下，工伎群官司隸籍其間者，皆稱翰林。如今之翰林醫官、翰林待詔之類是也。惟翰林茶酒司止稱翰林司，蓋相承闕文。

唐制自宰相而下，初命皆無宣召之禮。惟學士宜召，蓋學士院在禁中，非內臣宣召無因得入。故院門別設複門，亦以其通禁庭也。又學士院北扉者，為其在浴堂之南，便於應召。今學士初拜自東華門入，至左承天門下馬待詔。院吏自左承天門雙引至閣門，此亦用唐故事也。唐宣召學士自東門入者，彼時學士院在西掖，故自翰林院東門赴召，非若今之東華門也。至如挽鈴故事，亦緣其在禁中，雖學士院吏亦止于玉堂門外，則其嚴密可知。如今學士院在外，與諸司無異，亦設鈴索，悉皆文具故事而已。

各出歸田錄

又

學士院玉堂。太宗皇帝曾親幸，至今惟學士上日許正坐，他日皆不敢獨坐。故事堂中設視草臺，每草

制則具衣冠據臺而坐今不復如此但存空臺而已
玉堂東承旨閣子窓格上有火燃處太宗嘗夜幸
玉堂蘇易簡爲學士已寢遽起無燭具衣冠官嬪自
窓格引燭入照之至今不欲更易以爲玉堂一盛事
學士躡履見丞相
衣冠故事多無著令但相承爲例如學士舍人躡履
見丞相往還用平狀扣階乘馬之類皆用故事也近
歲多用靴簡章子厚爲學士日因事論列今則遂爲
著令矣

槐廳

學士院第三廳學士閣子當前有一巨槐素號槐廳
舊傳居此閣者多至入相學士爭槐廳至有抵徹前
人行李而強據之者予爲學士時目觀此事

切

學士上日用樂

舊翰林學士地勢清切皆不兼他務文館職任自校
理以上皆有職田惟內外制不給楊大年又爲學士
家貧請外表辭千餘言其間兩聯曰虛忝甘泉之從
臣終作莫敖之餒鬼從者之病莫興方朔之飢欲死
京師百官上曰唯翰林學士勅設用樂他雖宰相亦
無此禮優伶並開封府點集陳和叔除學士時和叔
知開封府遂不用女優學士院勅設不用女優自和
叔始

罷潤筆

內外制九草制除官自給諫待制以上皆有潤筆物
太宗時立潤筆錢數降詔刻石于舍人院每除官則
移文督之在院官下至吏人院騶皆分露分豐中改

立官制內外制皆有添給罷潤筆之物

直院

唐制官序未至而以他官權攝者為直官如許敬宗為直記室是也國朝學士舍人皆置直院熙寧中復置直舍人學士院但以資淺者為之其實正官也熙寧六年舍人皆迂罷閣下無人乃以章子平權知制誥而不除直院者以其暫攝也古人兼官多是暫時攝領有長兼者即同正官予家藏海陵王墓誌謝朓文稱兼中書侍郎各出筆談

制書不可稱德音

本朝之制凡霽宥大赦曲赦德音三種自分等差宗袞言德音非可名制書乃臣下奉行制書之名天子自謂德音非也余按唐常袞集赦令一門總謂之德

音蓋得之矣

退朝錄

學士職任事體與外司不同

出退朝錄

先公嘗言翰林學士居深嚴之地職任事體與外司不同至於謁見相府自非朔望慶吊止公服繫鞋而已學士於內庭出入或曲詔亦不具靴簡若同列齊行前此比命朱衣吏雙引抗聲言學士來直至宮門方止歸院則朱衣吏迺聲呼學士來者數四故事學士敘班只在宰相後今之參知政事班位即舊日學士立班處也近朝以來會赴內殿起居敘班在樞密宣徽使後惟大朝會入閣聖節上壽始得綴台司步武焉吾自延州歸闕再忝內職時與朱崖廬相同列依舊命吏前後雙引既而廬謂吾曰今府尹令尹時皇上開封府尹兼中書令

親賢英仁復兼右相尚

以一朱衣前導吾儕爲學士而命吏雙引得無招物議乎因令罷去雙引自是抗聲傳呼之儀後亦稍罷矣

學士班次

學士班舊例雖遺補府參軍亦在丞郎之上建隆中陶穀任學士自以官至尚書因上言學士官未至丞郎者並序於丞郎之下至丞郎者在左右常侍之上至尚書者從本品序從之淳化五年六月詔曰翰林樞密直學士職參內署禮絕外司况品秩以既殊在等威而宜峻頃有所易深未便安宜申明於舊章用遵行於故事自今序立班位宜依舊在丞郎之上舊規云學士大慶賀大朝會並立於宰相之後今分行右立在親王使相之後坐即居左重行於參知政事

政

之後國朝侍讀侍講皆帶翰林之名在密旨學士之上又置龍圖閣學士亦在密直學士之上龍圖閣直學士即在密學之下立班坐位並少退

又

舊制端明殿學士必於翰林中久次者遷授後改爲文明殿學士皇朝惟李昉爲之資政殿學士真宗特置此官以王欽若罷參知政事優禮之也時執政奏班次學士之下上不悅月餘授欽若兵部侍郎充資政殿大學士班在翰林之上天禧初張知白自參知政事罷爲侍讀學士以兩府舊臣詔特外在學士之上

又

學士入院舊例不以官之高下惟以先後爲班以乾

德元年十一月以工部尚書竇儀爲學士詔儀班次承旨陶穀天禧四年四月楊億再入翰林詔億班在錢惟演之下盛度之上惟演奏讓云竊見太祖朝竇儀自工部尚書再入翰林班在舊學士之上太宗朝王旦以禮部郎中再知制誥在呂祐之之上况楊億在景德中已爲學士今來官位與臣並是丞郎伏乞聖慈特升楊億班在臣之上遂降詔從之故億謝表云更篤相先之義俄頒得請之文

學士罷晚朝

舊規學士當直則赴晚朝不當直即無遂日起君國朝之制並早赴內朝而罷晚朝矣或知審官三班及判流內銓者三五日一詣承明稟奏公事即俟上再坐也舊制謂之諸司散今謂之諸司公事退也

逐

已上出金坡遺事

直學士院

開寶二年李文正以中書舍人盧相以知制誥並命直學士院六年知制誥張公澹權直學士院太平興國元年湯率更悅徐騎省鉉直學士院王梓州克正張侍郎洎直舍人院圃人皆江南文士也熙寧二年復置舊官

退朝錄

四

韓丕不長應用出院

韓丕有清操頗能爲詩及入禁中不甚長於應用一夕須詔書甚急韓停筆既久問吏索舊草吏以本典肩戶出宿不可搜檢丕乃破鎖取之改易而進不一月逐出院

學士之職清切貴重

淳化四年五月命張洎錢若水為學士赴之日

太宗謂近臣曰學士之職清切貴重非它官可比朕嘗重此官故事學士赴上有勅設入弄獼猴之戲又罷其事然亦非宜今教坊有雜伎跳丸舞稍之類當令設之仍詔樞密直學士呂端劉昌言及知制誥柴成務預會自此學士兩制密學赴會丞即給諫不得預也

太祖命李昉

李文公昉開寶中為中書舍人時盧多遜為兵部員外郎知制誥會學士闕人太祖並命更直禁林未幾昉請疾假多遜先為學士及九月九日宴大明殿太祖見昉坐於多遜之下恠而問之執政言多遜已為學士昉是更直太祖坐間命為學士又以昉

是舊德坐於多遜之上時開寶五年也出金坡遺事

爆直例

學士初入爆直例淳化三年刻石龜於玉堂後東北

諸行尚書三十五直左右丞郎四十直常侍

諫議給事四十五直諸官知制誥五十直如諫議知

郎四十五直太常少卿諸行郎中五十五直諸行員

外起居侍御史六十直殿中司諫六十五直未昇朝

一百二十直白身一百四十直前資各加五直初入

轉官三直已後每轉一直改服色一直如知制誥三

直已上值本直便爆一日每新人入先五直舊學士

一點次三直一點後兩直一點亦須酌量都大爆直

日數以定三等多少如兩人齊入則不點如舊官再

入約計前直減半

又

揚鉅舊規交宿例云新人常早入舊人即輪一巡早入伴已後即晚入晚入人待交早入人常先出早入郊時晚入趁早堂國朝學士每日趁朝故皆早入學士唯單直故無伴入之事

試館閣知制誥等

試京官及草澤等每試人前一日學士聚廳共撰詩賦論各五題封進明日降出有御筆點定者用之自朝臣直館閣京官州縣官草澤皆院中試之惟試知制誥即在中書禁門將開門三五刻下直學士即出如試未了即為拖白矣或詔兩同試即舍人並過院其日必盛饌置酒歡飲至暮也天禧四年六月詔每遇試人令翰林御厨供酒食

冊皇太子

舊規云唐世冊皇太子學士出就班賀禮畢又上表賀并上皇太子學士出就班賀禮畢又上表賀并上皇太子歲天禧四年九月今上為皇太子學士晁公等並用此禮

學士新入院

舊規云學士新入院飛龍賜馬一匹并鞍轡及芻粟謂之長借今則賜馬并鞍轡續翰志云舊賜白成釘口鞍太宗改賜銀鬧裝又改犀腰帶為金荔支帶舊規云上後三兩日內就院置宴今率以上日便賜宴舊規云十月初別賜錦長襖子國初以來賜翠毛錦淳化中蘇易簡入院改賜黃盤鵬與觀察使同其諸賜資今古小異者即具在李昌武翰林雜記矣

新雕 皇朝類苑卷第二十九

皇朝類苑卷第二十九... (Faint bleed-through text from the reverse side of the page)

新雕 皇朝類苑卷第三十
詞翰書籍

學士院

學士院在滋福殿橫街之南宜徽院北玉堂上東閣承旨學士居之西閣第二廳居之玉堂後東西各二閣第三廳而下分處之淳化中蘇易簡為學士時建小樓於北軒甚亾窄天禧三年惟演奏重葺治因去其下窻牖施以曲檻始明敞矣待詔房六間在玉堂西南孔目院在西謂之西頭 驅使院在東謂之東頭 玉堂後東北一室二間不甚高敞大中祥符中今王相居之二年入參大政次李相迪又自此閣拜命其後入者多求居之此室常不空前簷有大槐樹意以為祥亦有不令剪削者

學士從行幸

太祖太宗出征時學士並於行宮之外安下自上東封泰山西祀汾陰幸亳學士始設次於行宮內絲殿之東當直者居之以俟詔命其頒賜飲食茗菓則日有四五皆與親王丞相等焉

學士預丹鳳樓赦

唐制皇帝御樓肆赦學士得升丹鳳樓之西南隅侍立五代已後因循廢之淳化四年蘇易簡自院入參大政乃奏自今上御樓覃恩望令與樞密使侍立御榻之側從之

小宴學士預坐

淳化四年十月武寧軍節度使曹彬來朝上宴於長春殿乃命翰林學士錢若水樞密直學士張詠皆赴

坐

舊制每便殿小宴當直學士與文明樞密直學士皆預坐故相李昉及扈蒙在翰林曰常預斯宴後為閣門使梁迥奏罷之至是給事中參知政事蘇易簡奏復之

學士草麻

學士每非時召對即公服繫鞋袖具負而入每恩例除改即宰相得旨後入熟狀至晚或召對或降出熟狀便草麻惟進退宰相及非時特旨除改皆夜後宣入面受處分宰臣不得知也

天禧三年七月十六日夜降熟狀以殿前都指揮使忠武軍節度使曹璨移領河陽同中書門下平章事五更三點麻卷入本家奏璨卒榜子亦至其麻遂不

宣明日却付院架閣

學士草制次第

舊規當制者草第一第三並以命官高卑為次不繫學士官位今單直不以多少皆獨草惟大禮後加恩即學士齊宿翰長草第一學士以次分之如四廳學士即翰長却草第五它皆類此

舍人賜書預宴

皇朝太祖英武聖文神德皇帝因置酒於紫雲樓下命兩制侍宴權甚因命中書舍人來辰宜綴內制起居令為通式仍各賜書千餘卷以備檢閱舊體每游宴止學士得赴召暨皇上留心儒墨旌賞文翰時綸閣之臣始召赴曲宴或令和御詩舍人從游宴自此始也厥後立春鏤銀飾彩幡勝之物亦及之太

平興國八年召閣下舍人李公

宋公白賈公黃

中呂公蒙正李公至入院承旨竈公蒙贈詩賀之有

五鳳齊飛入禁林之句為一時之盛事其或觀稼於南薰門賞花於含芳園春晝嚴蹕百司景從幸國西之金明池下雕輦登龍舟都人駕肩百樂具舉懋瓊林苑由復道御層樓臨軒置酒以閱繁盛兩制必侍從焉至上林春融千花萬卉妍麗冠絕上必曲宴宰衡勲舊召兩制詞臣俯龍池垂金鈞舉觴賦詩終日而罷

詞臣神仙之職

上嘗謂宰執近臣曰詞臣實神仙之職也翊日九所進詩悉回御毫屬和以賜焉雍熙三年十月勅曰兩制詞臣公朝精選典司綸誥親近冕旒宜於俸祿之

間特示優豐之寵起自今後兩制俸料並以見縉充

禁中墨妙

上聽政之暇搜訪鍾王之迹以資閱翫焉御毫飛動神機妙思出其軌制乃召書學之有格性者置於便殿躬自省閱仍授以筆法既觀其有成各錫其銀章象笏令入院充待詔者僅十人自是書詔四出寰海之內咸識禁中之墨妙焉

賜學加等

舊體學士九召入院止賜白成釵都了切口銀鞍勒馬暨今上即位優待特異賜金塗銀鬧裝鞍勒對衣荔枝花金帶郊裡禮畢賜對衣金帶或牯犀金魚副之朝士自唐未久欲佩魚者今方復之十月朔舊賜對衣紅錦袍上時以細花熟錦袍代之淳化二年

冬代以細花盤雕錦下丞相一等自是遠方之珍果天府之法釀龍鳳之茗芽伏臘之餅餌以時而賜悉加等焉

玉堂擬瀛洲之象

玉堂東西壁延袤數丈畫水以布之風濤浩渺蓋擬瀛洲之象也符詔董羽之筆脩篁皓鶴悉圖靡靡奇花異木蘿植軒砌每外喧已寂風傳禁漏月色滿庭真人世之仙境也

學士和詩草制

或禁直垂簾人靜之際則有中使忽降持御詩宣令屬和則必尋拜謝狀後信宿方和進如聲韻奇險難以賡載者必拜章瀝懇陳述寡和之意優詔多免焉每錫賜謝恩奏狀必當直學士草或郊裡行慶制命

羅

填委必聚廳以分草之其餘書詔辭祝頃刻之間雖
續紛而至必獨當或數直有不草一詞者自可探願
往詰研窮理體以備顧問焉

學士拜命

學士九拜命先閣門受劄書於常朝殿門之階上舊
軀召入院後差中使賜拜伏跪受訖求於便殿對敷

陳述寵用遭值之由謂之告謝上必從容賜坐獎
飾戒諭而退選日謝恩前一日待詔一人就宅宜召
預於庭設茵褥堂設酒醴待詔稱有勅望皇居拜伏
聽命其詞皆褒獎嚴召之意於本院舊學士處請本
又舞韶訖升堂飲饌以謝恩奏狀拜伏跪授之來日
待詔迎於待漏院與新學士偕行引至閣門而退閣
門舍人始引入中謝賜對衣金帶金塗鞍勒馬近例

就院轉官惟丞旨別賜分物勅設如初拜之例餘不

得比矣

入本院上事宜徽院告報勅制儀鸞宿陳奕
募大官備珍饌設尊酒茗果畢至赴是設者止鳳閣
舍人餘不得預坐舊軀禁中上事元無樂前代或有

令伎藝人弄獅猴及藏珠之戲

玉堂坐次

玉堂之上惟上事受吏人賀禮始得正坐餘雖丞旨
亦須坐於東廂其副翰坐西廂餘依雙隻對坐居是
職者人物之選亦已極矣儒墨之榮亦已至矣苟能
節用以安貧杜門以省事採真如之旨養浩然之氣
來者瞻望其出處時君優假其顏色逍遙卒歲非神
仙而何每上直一依舊制入者先之出者後之或食
已日盱之後同列出院當直學士苟已褫巾笏則可

紗帽鞞履送至於玉堂之簾下蓋同列相怨其坦率也

進制書小字本

舊規云大順二年十月寅旨每進麻制書詔錄小字留內未爲定式自後令繫機密公事即用小字本常詔不進國朝自大中祥符九年後詔麻制進小字本蓋便於看覽也書詔亦進之

學士中謝

舊規云學士中謝先於殿西北隅立俟客省奏某乙到殿上云喚客省使遞聲云喚即趨至中庭此禮今謂之通喚惟將相即通喚學士即不

進草

舊制學士晚得熟狀其密旨多夜降出草麻五更三

點進惟演大中祥符八年十二月十四日入院禮上是夕召入面令草今上封壽春郡王制惟演面奏此制一出天下傳寫臣欲先進入草本乞神筆刊削然後寫麻上再三不允堅請方從之是夕一更二點進草入三點降出御筆書依奏書寫四字方付待詔寫及天禧二年正月十七日再入院二月二日又召對令草今上封昇王麻亦一更初進草便降出御批依奏其後南郊加恩及冊皇太子皆晁公當之亦進草親王宰臣等即不進

太宗賜趙昌國及第

太宗朝趙昌國者自陳乞應百篇舉帝親出五言四句詩爲題云秋風雪月天花竹鶴雲煙詩酒春池雨山僧道柳泉九二十字一字爲五篇篇四韻至晚僅

能成數篇辭意不足取亦賜及第用勸舉學者

開封解以孫暨為第一

咸平元年開封發解以高輔堯為首錢易次之易有時名不得魁薦頗不平之上書言試題語涉譏諷輔堯亦請解頭讓易上命錢若水覆考既而上以為士人爭進幾不可長止令擢文行兼著者一人為首乃以孫暨為第一輔堯次之易第三餘如舊並水燕談

太宗親試進士以孫何為第一

太宗時親試進士每以先進卷子者賜第一人及第孫何與李庶幾同在科場皆有時名庶幾文思敏速何尤苦思遲會言事者上言舉子輕薄為文不求義理惟以敏速相誘因言庶幾與舉子於餅肆中作賦

並字冥小書

以一餅熟成一韻者為勝太宗聞之大怒是歲殿試庶幾最先進卷子遽叱出之由是何為筆一出歸

田錄

舉子重戴

李異字仲權邵武人以蜃樓土鼓周處斬蛟三賦馳名累舉不第為鄉人所侮曰李秀才應舉空去空迴知席帽甚時得離身異亦不校至是乃遺鄉人詩曰當年蹤跡困埃塵不意乘時亦化鱗為報鄉閭親戚道如今席帽已離身蓋國初猶襲唐風士子皆曳袍重戴出則以席帽自隨異後仕至度支郎中兩浙轉運使卒與王禹偁相友善今小畜集有送李仲權赴官序即異也

二

第

世傳潘闈安鴻漸八才子圖皆策蹇重戴又王禹偁
贈崔遵度及第未脫白詩云且留重戴士風多則國
初舉子猶重戴矣並青箱雜記

御焚試卷於真宗影殿前

真宗尤重儒學今科場條制皆當時所定至今每親
試進士已放及第自十人已上御試卷子並錄本於
真宗影殿前焚燒制舉登科者亦然歸田錄

收李迪黜賈邊

景德中李迪賈邊皆舉進士有名當時及就省試主
文咸欲取之既而二人皆不與取其卷視之迪以賦
落韻邊以當仁不讓於師論以師為衆與注疏異說
乃為奏具道所以乞特收試時王文正公為相議曰
迪雖犯不考然出於不意其過可恕如邊特立異說

此漸不可啟將令後生務為穿鑿破壞科場舊格遂
收迪而黜邊東齋記事

貢院設位供帳

禮部貢院試進士日設香案于堦前主司與舉人對
拜此唐故事也所坐設位供帳甚盛有司具茶湯飲
漿至試學究則悉徹帳幕氈席之類亦無茶湯渴則
飲硯水人人皆黔其吻非故欲困之乃防氈幕及供
應人私傳所試經義蓋嘗有敗者故事為之防歐文
忠有詩焚香禮進士徹幕待經生以為禮數重輕如
此其實自有為之

御試許詳定官別立等

嘉祐中進士奏名訖未御試京師妄傳王俊民為狀
元莫知言之所起人亦莫知俊民為何人及御試王

荆公時為知制誥與天章閣待制楊樂道二人為詳定官舊制御試舉人設初考官先定等第復封彌之以送覆考官再定等第乃付詳定官發初考官所定等以對覆考之等如同即已不同則詳其程文當從初考或從覆考為定即不得別立等是時王荆公以初覆考所定第一人皆未允當於行間別取一人為狀首楊樂道守法以為不可議論未決太常少卿朱從道時為封彌官聞之謂同舍曰二公何用力爭從道十日前已聞王俊民為狀元事必前定二公恨自苦耳既而二人各以已意進稟而詔從荆公之請及發封乃王俊民也詳定官得別立等自此始遂為定制並沈存中等議筆

狀元給騶從

故事侍讀學士無帶出外者張知白罷參知政事授此職知大名府然非歷二府而出者不得焉寶元中梅詢始帶知鄭州自後兩制遂為例東齋記事

試進士沿革

進士之舉至本朝尤盛而沿革不一開寶六年因徐士廣伐鼓訴訟帝御講武殿覆試御試自此始賜詩自興國二年呂蒙正榜始分甲次自興國八年王則榜始賜袍笏自蒙正榜始及第日賜袍笏自祥符中姚暉榜始賜宴自呂蒙正榜始賜同出身自王則榜始賜別科出身自咸平三年陳堯咨榜始唱名自雍熙二年梁顛榜始封彌謄錄覆考編排皆始於景德祥符之間唐制禮部試舉人夜試以三鼓為限無名子嘲之曰三條燭盡燒焦學士之心八韻賦成

笑破侍郎之口。後唐長興令書試竇真固以短成文字不盡意非取士之道。奏復夜試本朝引校多士率用白晝不復繼燭。雍熙中著作佐郎樂吏特賜進士及第。詔附于興國五年第一等之下。賜第附榜始于此。

舉人謁先師

國初詔諸人貢舉人。群見訖就國子監謁先師。迄今行之。循唐制也。並春明退朝錄

春秋放榜

太平興國三年九月賜進士胡且等七十四人。及第先是去年秋諸州已薦士。即詔罷之。上恐有留滯者。詔除三禮三傳學究外。以八月至闕下。故事惟春秋放榜。至是秋試非常例也。

降聖節齋宴

舊規云。皇帝降聖之日。學士六員共率一百二十緡。寺中齋。今送五十千。與樞密使同開道場。節前一日赴宴。唐時惟六學士及二使赴待詔。雖發書。屬亦不預坐。

江南書籍

雍熙中。太宗以板本九經尚多偽謬。俾學官重加刊校。史館先有宋藏。榮緒梁岑之敬所校。左傳諸儒引以爲證。祭酒孔維上言。其書來自南朝。不可案據。章下有司檢討。杜鎬引正。觀四年勅。以經籍訛舛。蓋由五胡之亂。天下學士率多南遷。中國經術浸微。致也。今後並以六朝舊本爲正。持以詰維。維不能對。王師平金陵。得書十餘萬卷。分配三館及學士。

臧

院其書多讎校精當編帙全具與諸國書不類

新雕皇朝類苑卷第三十

新雕皇朝類苑卷第三十
詞翰書籍
藏書之府
淳化元年二月二十一日李至等言曰王者藏書之
府自漢置未央宮即騏驎天祿閣在其中命劉向楊
雄典校皆在禁中謂之中書即內庫書也後漢藏之
東觀亦在禁中至
犯刑罪名
帝時始置秘書監掌禁
中圖書祕記謂之祕書及魏分秘書為中書而秘書
監掌藝文圖籍之事後以祕書屬少府故王肅為祕
書監表論祕書不應屬少府曰魏之祕書即漢之東
觀因是不屬少府而蘭臺亦藏書故薛夏云蘭臺為
外臺祕書為內閣然則祕閣之書藏之於內閣
宋以還皆有祕閣之號故晉武好覽文藝勅祕書

新雕皇朝類苑卷第三十一
詞翰書籍

藏書之府

淳化元年二月二十一日李至等言曰王者藏書之
府自漢置未央宮即騏驎天祿閣在其中命劉向楊
雄典校皆在禁中謂之中書即內庫書也後漢藏之
東觀亦在禁中至
犯刑罪名
帝時始置秘書監掌禁
中圖書祕記謂之祕書及魏分秘書為中書而秘書
監掌藝文圖籍之事後以祕書屬少府故王肅為祕
書監表論祕書不應屬少府曰魏之祕書即漢之東
觀因是不屬少府而蘭臺亦藏書故薛夏云蘭臺為
外臺祕書為內閣然則祕閣之書藏之於內閣
宋以還皆有祕閣之號故晉武好覽文藝勅祕書

徐廣料祕閣四部三萬餘卷宋謝靈運為祕書監
祕閣之遺逸齊末兵火延燒祕閣經籍遺散梁江子
十亦請歸祕閣觀書隋煬帝即位寫祕閣之書分為
三品於觀文殿東西廊貯之然則祕閣之設其來久
矣及唐開元五年亦於乾元殿東廊寫四庫書以充
內庫命散騎常侍褚無量祕書監馬懷素總其事至
十三年乃以集仙殿為集賢殿因置集賢書院雖沿
革不常然祕閣之書皆置之於內也自唐天寶陵夷
文籍蕩然迨及百年斯道幾廢國家承衰弊之末開
故理之源三館之書搜求漸備陛下復建祕閣以
藏奇書况魯藻宸翰盈編積簡則其與祕非復與羣
司為比乞降明詔令與三館並列至於高下之次先
後之稱亦乞著為定式其祕書省既無書籍元隸京

百司請一如舊制八月詔曰朕肇興祕府典掌羣官
仍選名儒入直於內文籍大備粲然可觀處中禁以
宏開非外司之為比自今祕閣宜次三館其祕書省
依舊屬京百司

淳化三年五月詔增修祕閣先是度崇文院之中堂
為祕閣地而層未立書籍止局備廡廳內至是始修
之八月閣成

三

景德四年五月以其地迫隘詔分內藏西庫地廣之
大中祥符八年四月榮王元儼宮火延燒而閣後所
廣地復為內庫所有建大墻以限之其後以直舍狹
隘數請侵地為內庫主者所吝乃詔以大慶殿東

二十間給崇文院復以地不方正而格其詔案其地即殿前都點檢解舍太祖龍興于此國初為車輅庫今西京其所謂和鑿門內有車輅庫是也故前詔稱車府焉

四

景德四年五月詔分內藏西庫地廣祕閣大中祥符八年榮王宮火延燔詔置三館於左右掖門外以為崇文外院乃以舊地歸內帑天聖九年十一月復三館于崇文院其直舍未暇增廣至嘉祐四年差官編校館閣書朝廷復以內帑屋十三間還崇文自後書庫直舍方具

三

元豐五年改崇文院為祕書省內帑復請其地六年

十二月詔以前所得屋十三間歸之哲宗朝又詔內帑復還祕省仍以朝服法物庫給與之以充所取之數本省尚慮他時復有侵紊則有司復失其所守奏乞定為永久之制有詔可之

六

淳化三年八月壬戌祕閣成太宗作贊賜之宰臣李昉等請刻石閣下李至上表引唐祕書省有薛稷畫鶴郎餘令畫鳳賀知章草書當時目為三絕又引顏真卿請肅宗題放生碑額近翰林學士承旨蘇易簡乞御飛白書玉堂為比願賜新額以光祕府戊辰詔中書樞密院近臣觀新閣又賜上樽酒太官供膳是日遣中使齎御飛白書祕閣二字以賜李至李昉等相率詣正殿稱謝退就飲宴三館學士預焉又

賜御詩以美其事李至上表請以御製贊刊石祕閣帝以宰臣前已陳請又重違至意詔曰近以延閣戴新萬機多暇聊書贊詠以美成功所紀徽猷深虞漏略出於乘輿豈足多稱遽覽封章願刊穹石垂於不朽良積厚顏其贊序朕兼為親書并篆額以旌祕省九月五日奉詔橫勒立石十月遣中使李懷節以御草書千字文一卷付祕閣李至請於御製祕閣贊碑陰勒石帝謂近臣曰千字文蓋梁武得鍾繇書破碑千餘字俾周興嗣以韻次之詞理固無可取乘間偶書且非垂世立教之文孝經一卷乃百行之本朕嘗親為書之勒諸碑陰可也因賜李至詔書諭旨

七

太平興國三年館三新成盡遷舊館之書分為兩廡置庫藏之哀合偽國文籍參以舊書正副本九八萬卷皆以類相從用雕木為架以青綾帕窠之簡冊之府翕然一變矣

八

盡

乾德元年平荆南詔有司盡收高氏圖籍以實三館國初三館裁數橫計萬三千餘卷三年九月命右拾遺孫逢吉往西川取偽蜀法物圖籍印篆赴闕得書萬三千卷送三館開寶九年平江南命太子洗馬呂龜祥就金陵籍其圖書得二萬餘卷悉送史館偽國皆聚典籍惟吳蜀為多而江左頗為精真亦多修述

九

兩浙錢俶歸朝遣使收其書籍悉送館閣端拱元

年五月詔置祕閣至是乃以史館書萬餘卷以實其中

十

又詔史館盡取天文占候讖緯方術等言五千一百二卷悉藏閣上

十一

景祐初元詔群儒即書府盡啟三先帝所藏校定條目翰林學士王堯臣史館檢討王洙館閣校勘歐陽脩等咸被其選詩論撰次其偽濫者刪去之遺缺者補緝之摘其重複刊其訛舛集其書之總數凡三萬六百六十九卷以類分門爲目成六十七卷初書府之制廢于五代太平興國之初始建崇文院合聚昭文史館集賢之書又起祕閣則貯禁中之籍逮茲

著錄故賜名目崇文總目

崇文總目係以三館祕閣

書籍併合著錄

京師藏書之家惟故相王溥爲多官

嘗借本傳寫下謂家書亦多收入祕府三館祕閣所藏之書皆分經史子集四類昭文館三萬八千二百九十一卷史館四萬一千五百五十三千餘字錄爲六卷以進賜術等一有差然今所行者止是淳化中所校後雖覆校既已刻版刊改殊少

十二

淳化五年七月詔選官分校史記前漢後漢書既畢遣內侍齎本就杭州鏤板咸平中真宗謂宰相曰太宗崇尚文史而三史版本如聞當時校勘官未能精詳尚有謬誤當再加刊正乃命直史館陳堯佐等覆校史記景德元年正月校畢并錄差誤文字五卷

宋史文苑
傳有刀行
術乃衍字
之訛歟

同進詔賜帛有差又命直祕閣刀術等覆校前後漢書九修改三百四十九簽正卷集賢院四萬二千五百五十四卷其間雜偽國及籍沒之書卷秩不等仍多複本歲又多蠹祕閣一萬五千七百八十五卷皆黃本書編秩秩嚴整以備進御

十三

大中祥符八年十二月詔樞密使王欽若都大提舉抄寫校勘三館祕閣書籍翰林學士陳彭年副之又令吏部銓選幕職州縣官有文學者先試判擇可者又送學士院試詩賦論命赴三館祕閣校勘又令翰林學士晁迥李維王曾錢惟演知制誥盛度陳知微於館閣京朝官中各舉服勤文學者一人為覆校勘官迥等遂以集賢校理宋綬晏殊直集賢院徐奭麻

溫其崇文院檢討馮元充選九校勘官校畢送覆校勘官覆校既畢送主判館閣官點檢校復於兩制擇官一二人覆加點檢皆有程課以考以勤惰焉

十四

天聖二年六月詔校勘南北史隋書以直史館張觀集賢校理王質晁宗慤李淑祕閣校理陳詒館閣校勘彭乘國子監直講公孫覺校正命知制誥宋綬龍圖待制劉曄提舉

十五

景祐元年四月命直史館宋祁祕閣校理張環館閣校勘胡宿張宗古覆校南北史康定元年冬十月上之閏六月命翰林學士張觀知制誥李淑宋郊編校三館書判館閣盛度章得象石中立李仲容覆校

十六

景祐三年十一月命太子中允集賢校理蔣穎大理寺丞館閣校勘胡宿重校地理書

十七

嘉祐二年命崇文院檢討掌禹錫祕閣校理林億張洄館閣校勘蘇頌太子中舍陳檢校正醫書樞密使韓琦提舉

十八

嘉祐四年仁宗謂輔臣曰宋齊梁陳後魏後周北齊書世罕有善本未行之學官可委編校官精加校勘八月命編校書籍孟恂丁寶臣鄭穆趙彥若錢藻孫覺曾鞏校宋齊梁陳後魏北齊後周七史恂等言梁陳等書缺獨館閣所藏恐不足以定著願詔京師

及州縣藏書之家使悉上之仁宗皇帝為下其事至七年冬稍稍始集然後校正訛謬遂為完書模本行之

十九

嘉祐六年四月以大理寺丞郭固編校祕閣所藏兵書先是三館祕閣置官編校書籍而兵書與天文為祕書獨不預大臣有言固曉知兵法仍命就祕閣編校抄成黃本一百七十二冊固初以選換六宅副使治平四年六月以編書畢遷內藏庫副使路分都監

二十

哲宗時臣寮言竊見高麗獻到書內有黃帝鍼經九卷據素問序稱漢書藝文志黃帝內經十八篇素問與此書各九卷乃合本數此書久經兵火亡失幾盡

偶存於東夷今此來獻篇秩具存不可不宣布海內使學者誦習伏望朝廷詳酌下尚書工部彫刻印板送國子監依例摹印施行所貴濟衆之功溥及天下有旨令祕書省選奏通曉醫書官三兩員校對及令本省詳定訖依所申施行

二十一

舊制每日校對書籍功冊葉背面二十一紙三館都監於每月終具逐員功課聞奏自嘉祐中置編校此制遂廢元祐六年復著爲令又案六典考工之職二十七最十曰讎校精審明於判定爲校正之最乞以月終所奏降付考功詔依紹聖三年四月尚書省勘會館職每日校對書籍已有條制立定功課即不須逐旋聞奏其考功自來別無行遣顯屬繁冗奉聖旨

逐

旨元祐六年指揮更不施行

二十二

淳化元年二月詔自今游宴宜召直館其集賢祕閣校理並令預會初李宗諤舉進士獻文自薦詔相府試詩頌各一篇遷祕書郎集賢校理之職自興國後罕有任者會帝宴近臣於後苑三館學士悉預宗諤以任校理閣門吏拒之不得入翌日獻詩述其事故有是詔又請今京官乘馬入禁門並爲故事集賢有修撰校理之職名數雖異而職務略同閣門拒校理不得預宴蓋吏失之也祖宗時每時序游幸或雨雪

休應皆賜宴于崇文院祥符天禧之際宸章獻藻宣示臣下自宰執至貼職皆得賡載仁宗善飛白書每賜臣下館閣預焉上已重陽館閣賜宴于瑞聖

園

二十三

天聖中仁宗幸後苑賞花宴輔臣宗室從官及三館京官以上並預先是得唐明皇山水字石於長安宣于清輝殿是日命從臣觀畢應制賦詩仁宗親第其能否

二十四

慶曆七年十二月二十六日群玉殿曲宴三館預焉其禮數悉如召近臣觀書之會

二十五

皇祐二年賜太宗九絃琴譜御製明堂樂曲三朝訓鑑圖三聖寶字御篆明堂字御飛白書明堂之門字編逮館職賞花釣魚館閣學士悉預

宴賦詩寶元後西方用師遂罷

二十六

嘉祐七年三月復講之後雖罷宴歲命中使賜牡丹法酒于閣下祕省所藏書畫歲一暴之自五月一日始至八月罷是月召尚書侍郎學士待制御史中丞開封尹殿中監大司成兩省官暨館職宴于閣下陳圖書古器縱閱之題名于榜而去凡酒醴膳羞之事有司共之仍賜錢百緡以佐其費大觀元年八月請于朝又增賜四百緡宴曰仍遣中使以御酒化成殿果子賜在省官最為盛集前此未有

二十七

咸平二年以楊徽之夏侯嶠呂文仲為侍讀學士邢禹為侍講學士按故事唐開元中置侍講其後有翰

林侍講學士五代已來四方多事時君右武不暇嚮
學故此職久廢太宗崇尚儒術聽政之暇觀書為
樂殆至宵分手不釋卷由是命文仲為翰林侍讀寓
直禁中以備顧問然名秩未崇帝聰明稽古奉承
先志首置此職擇耆儒舊德以充其選班秩次翰林
學士祿賜如之設直廬於秘閣侍讀更直侍言長
日給尚食珍膳夜則迭宿令監館閣書籍中使劉崇
超日具當宿官名於內東門進入自是多召對詢訪
或至中夕焉

二十八

康定元年四月宋綬任禮部尚書知樞密院同提舉
編修會要辟置官屬寓局于崇文院迄今因之已上

並漢志

二十九

前世藏書分隸數處蓋防水火散亡也今三館秘閣
九四處藏書然同在崇文院其間官書多為人盜竊
士大夫家往往得之嘉祐中乃置編校官八員校讎
四館書給吏百人悉以黃紙為大冊寫之自此私家
不敢輒藏校讎累年僅能終昭文一館之書而罷沈

沈字宜小字

沈字宜小字
存中著書
談

館職稱學士

集賢院記開元故事校書官許稱學士今三館職事
皆稱學士用開元故事也

置編修局

舊校書官多不恤職事但取舊書以墨漫一字復注
舊字於其間以為日課自置編校局只得以朱圍之

仍於卷末書校官姓名

雌黃塗字

館閣新書淨本有誤書處以雌黃塗之嘗校改字之法刮洗則傷紙紙貼之又易脫粉塗則字不沒塗數遍方能漫滅惟雌黃則漫一滅仍久而不脫古人謂之鈇黃蓋用之有素矣並筆談

新雕 皇朝類苑卷第三十一

新雕 皇朝類苑卷第三十二
典故沿革

封孔子後

國朝孔子之後率襲封文宣公至和中祖擇之言文宣乃先聖謚號後嗣不當以為封爵下學士更定羨稱乃改封其四十九代孫宗愿為衍聖公元祐初孔宗翰上言先聖之後世襲封爵為縣尉庭參州守者下至廟戶減耗祠宇墮頽不堪其陋蓋襲公爵以奉祠事本競流不競或領官他州公悉條具以聞願下所司講完廢墜增土田別異世襲之人使天下知朝廷尊孔子之意詔以衍聖公曰奉聖公承襲者即除寄祿官不領它職其勞考遷改所給俸廩並視在官給田萬畝賜監書置學官以誨其子弟

楊文公

二

至和二年封孔子四十七代孫宗愿為文宣公祖擇之言前代封孔子之後者在漢魏曰褒成宗聖在晉宋曰奉聖後魏曰崇聖北齊曰恭聖後周及隋封鄒國唐初曰褒聖開元中謚孔子為文宣王遂封其後為文宣公是以祖謚而加後嗣也乃下學士院更定羨號而改封宗愿為衍聖公

東齊記事

孔子太公周公加謚立廟

祥符元年十一月加謚文宣王曰玄聖文宣王祝文進署追謚齊太公曰昭烈武成王令青州立廟周文公曰文憲王曲阜縣立廟

非宗室女封郡縣主

故事親王女皆封郡主趙普以元勳諸女封郡主高德懷以駙馬之貴二女特封縣主當時禮官不正其失而諫官不言其非此典禮之誤也

滙水燕談

皇子兼師傅

皇子封東陽郡王除務州節度使檢校太傅翰林賈學士黯上言太傅天子師臣也子為父師於體不順中書檢勘自唐來親王無兼師傅官者蓋自國朝命官祇以差遣為職事自三師三公已降皆是虛名故失於因循爾議者皆以賈言為當也

歸田錄

異姓兼中書令

國朝未改官制以前異姓未有兼中書令者惟贈官方有之元豐中曹郡王以無舅持服兼中書令下度支給俸有司言自來未有活中書令請受則例

筆談

烏帽

天聖以前烏帽惟用光紗自後始用南紗迨今幾十年復稍稍用光紗矣

賣香印鳴鑼

太祖廟諱語訛近香印故今世賣香印者不敢斥呼鳴鑼而已仁宗廟諱語近蒸今內庭上下皆呼蒸餅為炊餅亦此類

並青箱雜記

錢文

國家開寶中所鑄錢文曰宋通元寶至寶元中則曰皇宋通寶近世錢文皆著年號惟此二錢不然者以年號有寶字文不可重故也

改年號

仁宗即位改無天聖時童獻明肅太后臨朝稱制議

者謂撰號者取天字於文為二人以為二人聖者悅太后爾至九年元改元明道又以為明字於文日月竝也與二人旨同無何以犯契丹諱明年遽改曰景祐是時連歲天下大旱改元詔意冀以迎和氣也五年因郊又改元曰寶元自景祐初羣臣慕唐朝玄宗以開元加尊號遂請加景祐於尊號之上至寶元亦然是歲趙元昊以河西叛改姓元氏朝廷惡之遽改元曰康定而不復加於尊號而好事者又曰康定乃謚耳明年又改曰慶曆至九年大旱河北尤甚民死者十八九於是又改元曰皇祐猶景祐也六年日蝕四月朔以謂正陽之月自古所忌又改元曰至和三年仁宗不豫久之康復又改元曰嘉祐自天聖至此九年號九易皆有謂也

國朝百有餘年年號無過九年者開寶九年改為太平興國太平興國九年改為雍熙大中祥符九年改為天禧慶曆九年改皇祐嘉祐九年改為治平惟天聖盡九年而十年改為明道

家祭用臺棹

祕府有唐孟詵家祭儀孫氏仲饗儀數種大抵以士家用臺棹享祀類几筵乃是凶祭其四仲吉祭當用平面氈條屏風而已

官告綾紙

九封贈父母祖唯降麻官用白背五色綾紙法錦標大牙軸餘雖極品止給白大綾紙法錦標大牙軸已上並廬陵歸田錄

後唐案檢

此段已在二十七卷

予嘗求得後唐

閔帝應順元年案檢一道乃除

宰相劉句兼判三司堂檢前有擬狀云具官劉句右

伏以劉句經國才高正君志功方屬體元之運實資

謀始之規宜注宸衷委司判計漸期富庶永贊聖明

臣等商量望授依前中書侍郎兼吏部尚書同中書

門下平章事充集賢殿大學士兼判三司散官勳封

如故未審可否如蒙允許望付翰林降制處

奏聞其後有制畫曰宰臣劉句右可兼判三司公事

宜令中書門下依此施行付中書門下准此四月十

日用御前新鑄之印與今政府行遣稍異本朝要事

對稟常事擬進入畫可然後施行謂之熟狀事速不

及待報則先行下具制草奏知謂之進草熟狀白紙

書宰相押字他執政具姓名進草即黃紙書宰臣執政皆於狀背押字堂檢宰執皆不押惟宰屬於檢背書日堂吏書各用印此擬狀有詞宰相押檢不印此其為異也太率唐人風俗自朝廷下至郡縣皆愚有詞謂之判則書判科是也押檢二人乃馮道公愚狀檢瀛王親筆甚有改竄勾抹處按舊五代史應順元年四月九日已卯鄂王薨庚辰以宰相劉句判三司正是十日與此檢無差宋次道記開元宰相奏請鄭畋鳳池藁草擬狀注制集悉多用四六皆宰相自草今此擬狀馮道親筆蓋故事也

中國衣冠用胡服

中國衣冠自北齊以來乃全用故服窄袖緋綠短衣長鞞鞞鞞帶皆胡服也窄袖利於馳射短衣長鞞

便於涉草胡人樂茂草常寢處其間予使此時皆見之雖王庭亦在深草中予至胡庭日新雨過涉草衣袴皆濡惟胡人都無所露帶之所垂蹠蹠蓋欲佩帶弓劍份悅筭囊刀礪之類自後雖去蹠蹠而猶存其環環所以銜蹠蹠如馬之鞞根即今之帶鏤也天子以十三環為節唐武德正觀時猶爾開元之後雖仍舊俗而稍褻博矣然帶鉤尚穿帶本為孔本朝加順折蓋彌文也幞頭一謂四脚乃四帶也二帶繫腦後垂之二帶反繫頭上令曲折附頂故亦謂之折上巾唐制唯人主得用硬脚晚唐方鎮擅命始僭用硬脚本朝幞頭有直脚局脚交脚朝天順風九五等惟直脚貴賤通服之又庶人所戴頭巾唐人亦謂之四脚蓋兩脚繫腦後兩脚繫頰下取其服勞不脫也無事

勞不已下
十四字以
筆談禮書

則反繫于頂。今人不復繫領下兩帶，遂為虛設。

三省樞密院印用塗金

舊制中書樞密院三司使印並塗金。近制三省樞密院印用銀為之塗金，餘皆鑄銅而已。

京城用青涼織

京城士人舊通用青涼織。大中祥符五年九月，唯許親王用之，餘並禁之。六年六月，始許中書樞密院依舊用織出入。

皇右太后印

近朝皇右太后皆有印篆文，曰皇太后之印。皇右之印，故事二宮立，各有宮立長秋、長樂、長信之類，是也。宜以宮為文，至尊之位亦不合言印。當云某官之寶，官告之制。

予嘗判官誥院，知制誥時又提舉兵吏司封官誥院，而不曰司勳，恐遺之也。凡文臣及節度觀察防團刺史、諸司使、副內殿承制、崇班皆用吏部印，管軍至軍校、環衛官用兵部印，封爵命婦用司封印，加勳用司勳印。九官誥之制，后妃銷金雲龍羅紙十七張，銷金標袋寶裝軸紅絲網金帟，楮公主銷金大鳳羅紙十七張，銷金標袋玳瑁軸紅絲網塗金銀帟，楮按皇右當降制誥告不裝告身而用冊本朝諸后皆止用告

景祐元年立后，用冊治平熙寧皆循之。親王宰相使

相色背五色金花綾紙十七張，暈綠錦標袋犀軸，色帶紫絲網銀帟，楮樞密使三師三公前宰相官至僕射、東宮三師、嗣王郡王節度使、白背五色金花綾紙十七張，暈錦標袋犀軸，色帶參知政事樞密副使、知

院同知院簽書院事宜徽使僕射東宮三少御史大夫室率府副率以上白背五色綾紙十七張暈錦標大牙軸色帶尚書觀文殿大學士資政殿大學士東宮三少六統軍上將軍留後觀察使同上唯用一一標近用翠毛師子錦以代暈錦非舊制也三司使一林學士承旨至直學士待制丞郎御史中丞大兩一賓客大卿監祭酒詹事庶子大將軍防團刺史橫使諸司使軍職遥郡樞密都承旨初除駙馬都尉十綾大紙七張法錦標大牙軸色帶三司副使少卿司業起居郎至正言知雜至監察御史郎中員外郎四赤令諭德少詹事家令率更令太子僕太常博士節度行軍司馬副使橫一副使諸司副使樞密副承旨軍職都指揮使並不遥郡者白綾大紙七張大錦

標大牙軸青帶國子博士至洗馬通事舍人諸王友六尚奉御諸衛將軍承旨崇班閣門祇候五官正諸州別駕樞密院諸房副承旨官至五品以上用大綾

紙大錦標牙軸

兩使判官防團副使率府率副率京

官館職堂後官中書密院主事諸軍職都虞候忠粹馬軍步軍副都軍頭指揮使藩方馬步軍副都指揮使都虞候內供奉官至內品白綾中紙五張中錦標中牙軸青帶秘書郎至將作監主簿白綾小紙五張錦標角軸青帶幕職州縣官靈臺郎保章正諸州長史司馬中書錄事主書守當樞密院令史中書令史諸軍指揮使內品待詔書藝白綾小紙五張小錦標沐軸青帶諸蕃蠻子大將軍司階司戈司候郎將以上並白綾大紙法錦標大牙軸色帶几修儀婉容才

人貴人、羨人、銷金小鳳羅紙七張、銷金標玳瑁軸、紅
絲網、塗金銀帟、楮司言司正、尚食尚衣、典寶常使、金
花羅紙七張、法錦標袋、內降夫人、郡君、團窠羅紙七
張、暈綠標袋、宗室婦常使、金花羅紙七張、法錦標袋、
宗室女、素羅紙七張、法錦標袋、國夫人、銷金團窠五
色羅紙七張、暈錦標袋、郡夫人、常使、金花羅紙七張、
見任兩府、母妻、使、團窠、法錦標袋、以上至司言司正
等皆用玳瑁軸、紫絲網、錄帟、楮郡君、縣太君、遙郡刺
史、正刺史以上、妻、並銷金常使、羅紙七張、餘命婦、並
素羅紙七張

上元燃燈

上元燃燈、或云、汧漢祠太一、自昏至晝、故事、梁簡文
帝有列燈陳後主有光壁殿、遙詠山燈時、唐明皇先

詩

天中東都設燈、文宗開成中、建燈迎三宮、是則唐以
前歲不常設、本朝太宗時三元不禁夜、上元御乾
元門、中元下元、御東華門、後罷、中元下元、而初元遊
觀冠於前代

賜新火

周禮四時變國火、謂春取榆柳之火、夏取棗杏之火、
季夏取桑柘之火、秋取柞櫛之火、冬取槐檀之火、而
唐時唯清明取榆柳之火、以賜近臣、戚里、本朝因之、
唯賜輔臣、戚里、帥臣、節察三司使、知開封府、樞密直
學士、中使、皆得厚賜、非常賜例也

金明池

唐曲江、開元天寶中、旁有殿宇、安史亂後、盡圮、廢文
宗覽杜甫詩云、江頭宮殿鏤千門、細柳新蒲為誰綠

因建紫雲樓落霞亭歲時賜宴又詔百司於兩岸建亭館太宗於西郊鑿金明池中有壹榭以閱水戲而士人游觀無存泊之所若兩岸如唐制設亭館即踰曲江之盛也

公家文書藁異名

九公家文書之藁中書謂之草樞密院謂之底三司謂之檢今秘府有梁朝宣底二卷即正明中崇政院書也檢即州縣通稱焉已上並筆談

乾德鑄印

乾德三年重鑄中書門下樞密院三司使印先是舊印緣五代舊文非工至是得蜀鑄印官祝溫集自言其祖思唐禮部注印官世習繆篆即漢志所謂屈曲纏繞以摹章者也臺省寺監及開封興無尹印悉令

溫集改鑄楊文公談苑

品家表許繫鐘

京師品官之喪用浮屠法繫鐘初無定制景德中令文臣卿監武臣大將軍命婦郡夫人已上許於天清開寶二寺擊鐘至今以為定制

賜謚

周禮卿大夫卒太史於葬前賜謚祖奠之日讀誄後世有司失於申明典禮故須門生故吏錄行狀子孫請謚近歲遂有既葬而謚號終不及者天聖中孫奭王子融言乞臣寮薨謝不待本家請謚在官品合加謚者並令有司舉行詔從之並滌水燕談

凱旋奏樂不避忌晨

楊文正鎬江南人集賢校理澄心堂歸朝直祕閣

上幸秘閣詢經義敷對稱旨賜金紫景德中爲近侍扈從澶淵之幸泊凱旋鑾駕還闕日有司言行宮適當懿德皇后忌辰上疑回鑾鼓吹輦筦非便時公爲儀仗使已先馳還闕備迎駕之儀遂馳騎遣問公公即奏於義無害武王載木主代紂時居喪尚前歌後舞况忌者乃追遠存思耳

玉壺清話

禁焚屍

河東人衆而地狹民家有喪事雖至親悉燔藝取骨燼寄僧舍以至積久棄捐乃已習以爲俗韓稚珪鎮并州以官鑑市田數頃俾州民骨肉之亡者有安葬之地古者叛逆之人乃有焚如之刑其士民則有斂殯祔葬之禮惟胡夷禮泊僧尼許從夷禮而焚柩齊民則一皆禁之今韓公待俗以禮法真古循吏之事

也 卷之錄

贈官請謚

唐制兼官三品得贈官如韓文公曾爲京兆尹兼御史大夫終吏部侍郎而贈禮部尚書是也而觀察使多贈兩省侍郎以就三品得謚國初以來唯正三品方得謚兼官贈三品不得之真宗命陳彭年詳定遂詔文武官至尚書節度使卒許輟朝贈至正三品許請謚而史失其傳寶元中光祿卿知河陽鄭立卒而輟朝非故事也

新雕 皇朝類苑卷第三十二

... 皇朝類苑卷第三十二 ... 十一 ...

新雕 皇朝類苑卷第三十三

典故 沿革

皇后謚

皇后有謚起於東漢自是至乎隋皆單謚光烈陰皇
右明德馬皇后和熹鄧皇后文獻獨狐皇后是也史
家取帝謚冠其上以別之如云光之烈皇后陰氏明
之德皇后馬氏也非謂欲連帝謚而名之也然則實
家尚單文家尚複後世或用複謚如唐正觀中長孫
皇后謚文德後 太宗謚文皇帝文德自是復謚自
用二名偶同 太宗之謚耳中宗謚孝和趙皇后謚
和思言取帝謚配之其後昭成肅明元獻章敬睿真
昭德以莊憲諸后皆不得連帝謚 國初追尊四祖
三宗之后冠以帝謚及 杜太后崩始謚明憲未幾

復

欲同三祖之后遂改昭憲及太祖諸后自連孝字
太宗后連德字真宗后連莊字皆用複謚非連帝
謚為義慶曆中乃言孝字連太祖謚德字連太
宗謚遂改為章以連真字謚且祖宗謚號皆十餘
字豈上配一字為義又太祖功烈豈專以孝稱
太宗后連德字及在下文與祖宗后謚文不對可
如東漢諸后單舉之乎皇祐中余為禮官龍圖閣直
學士趙周翰奏議甚詳下禮院時新以章易莊朝廷
以宗廟事重不欲數更張遂寢其所奏

臣僚卒輟朝

太祖時大卿監卒皆輟朝一日景德以前文武官賜
三品皆不得謚曾任三品官乃得謚

皇二

真宗大中祥符中命陳文僖公彭年重定以正三品
尚書節度使卒始輟朝贈尚書節度使許定謚自後
遵用其制而日曆寶錄國史皆遺其事並筆談

國忌行香

舊制國忌迭命宰相參知政事一員率文武常參官
赴佛寺行香內職不與焉景德中同知樞密院事王
公欽若陳公堯叟請率內職學士諸司使軍職下洎
列校同為一班先詣西上閣門進名奉慰宰相參知
政事文武百官為一班次詣閣門進名奉慰訖退赴
佛寺行香小忌則否金坡遺事

投金龍玉簡

此段已在十八卷

道家有金龍玉簡學士院撰文具一歲中齋醮故投
於名山洞府天聖中仁宗皇帝以其險遠窮僻難

齋送醮祭之具頗爲州郡之擾乃下道錄院裁度才
留二十處餘悉罷之河南府平陽洞台州赤城山玉
京洞江寧府華陽洞舒州潛山司真洞杭州火滌洞
鼎州桃源洞常州張公洞南康軍廬山詠真洞建州
武夷山昇真洞南嶽朱陵洞江州馬當山上水府太
平州中州府潤州金山下水府杭州錢塘江水府河
陽濟瀆北海水府鳳翔府聖湫仙遊潭河中府百丈
泓龍潭杭州天目山龍潭華州車湘潭所罷處不可
悉記予嘗於學士院取金龍玉簡視之金龍以銅制
玉簡以階石制

出東齋記事

給金寶牌

祥符中詔以聖祖神化金寶牌分給京城寺觀及外
州名山福地牌長二寸闊一寸文曰玉清昭應宮成

天尊萬壽金寶其背文曰永鎮福地勅四周皆隱起
蚪龍花卉之狀盛以絳紗囊繫塗函御題其上

應天院建聖像殿

西都市應天禪院乃太祖誕聖之地國初爲傳
舍真宗幸洛陽顧瞻遺迹徘徊感愴乃命建爲僧
舍功成賜院額奉安御容命知制誥劉筠記之仁
宗初又建別殿分二位塑太宗真宗聖像丞相
王欽若爲之記後園植牡丹萬本皆洛中尤品慶曆
末仁宗御篆神御三殿牌藝祖曰興先太祖
曰帝華真宗曰昭孝今爲忌日行香之地去留府
甚遠故詩有正夢寐中行千里謂此也並麗水燕談

罷睦親神御殿

嘉祐中修睦親宅神御殿歐永叔言祖宗廟貌非

人臣私家所宜有者劉貢父亦謂爲然詔下兩制臺
諫官禮官議而引漢韋元成議春秋之義父不祭於
支庶之室君不祭於臣僕之家王不祭於下土諸侯
遂罷郡國廟於是罷修神御殿

東齋記事

降青詞

降青詞每進天慶天祺先天降聖三元節及皇帝
本命各預先一月降入馬遞兗州會真宮太極觀景
靈宮亳州明道宮太清宮慶成軍太寧宮西京上清
宮嵩山崇福宮昇州第山鳳翔府太平宮中岳天封
宮泗州延祺觀杭州天柱山大滌洞霄宮五岳真君
觀內中延真殿天符觀會慶殿天安殿滋福殿玉清
昭應宮景靈會靈觀祥源觀上清宮金明池水殿等
非時建道場即當直日草詞或急速者學士未入亦

毫

就宅草自大中祥符每立春立秋醮真君觀惟有東
西北中四岳而南岳真君獨闕其禮惟演天禧二年
再入翰林當草七月詞見闕此岳乃入劄子奏乞檢
會事下禮儀院所司以從初蒲闕懼罪久而不奏及
立春將近惟演再上言以南岳闕醮蓋有司之誤然
屢經大宥乞免有司之罪但依例添入御筆批依奏
遂諮報中書門下行下自此五岳皆備矣

蓬山志

勘箭勘契

太祖初郊九闕典大儀脩講或未全備至於勘契之
式次郊方舉大禮禮畢鑾輅還至闕門則行勘箭之
儀勘箭者其箭以銅爲鏃長三寸形若鑿柄其筈香
檀木爲之長三尺金線飾之絳羅泥金囊韜之金吾
仗掌焉其鏃以紫羅泥金囊貯之駕前司掌焉每大

駕還闔中扇駐蹕少俟有司聲云南來者何之駕前
司告云大宋皇帝行大禮畢禮儀使跪奏曰請行
勘箭金吾司取其笥駕前司取其鏃兩勘之罷即奏
曰勘箭訖有司齊聲曰是不是贊唱者齊聲曰是如
是者三方開扇列班起居迎駕大輅方進勘契者以
檀刻魚形金飾鱗鬣別以香檀板象魚形坎而為範
其魚則駕前掌焉其範則宮殿門司掌焉鑾輿過宮
殿門以魚合範然後開扉迎駕其贊唱喝迎拜一如
勘箭之式 玉壺清話

二

大駕鹵簿中有勘箭如古之勘契也其牡謂之雄牡
箭牝謂之闢仗箭本胡法也熙寧中罷之 筆談

街鼓

京師街衢置鼓於小樓之上以警昏曉太宗時張
公洎製坊名列牌於樓上接唐馬周始建議置鼗鼓
唯兩京有之後北都亦有鼗鼗鼓是則京師之制也
二紀以來不聞街鼓之聲金吾職廢矣 倦遊錄

禁衛五重

禁衛九五重親從官為一重天武官為一重御龍弓
箭直弩直為一重御龍骨朶子直為一重御龍直為
一重凡入禁圍自一重徒一年至三年止誤者減二
等傳卞嘗誤入禁圍定私罪求叔再為論奏為公罪
得應制舉 東齋記事

駕頭扇篋

正衙法座香木為之加金飾四足墮角其前小偃織
藤冒之每車駕出幸則使老內臣馬上抱之曰駕頭

輦後由蓋之篋兩扇夾之通謂之扇篋皆繡亦有銷金者即古之華蓋也

筆談

喚仗入閣

唐日御宣政殿中細仗兵部旂幡等立於廷朝官退皆賜食自開元後朔望宗廟上牙繫食明皇意欲避正殿遂御紫宸殿喚仗入閣門遂有入閣之名在唐時殊不知為盛禮唐末常御殿更無仗御朔望特設之趨朝者仍給廊下食所以鄭谷輩多形於詩詠嘆羨而五代行之不絕故祖宗數御文德殿行入閣之禮熙寧二年予被詔修閣門儀制以為文德入閣非是當喚仗御紫宸殿請下兩制與太常議之學士承旨王公珪等以謂入閣是唐日坐朝之儀不足行削去其禮予與閣門諸君因請如唐御宣政禮量設仗

衛之儀詔乃可今朔望御文德殿始於此也閣門有舊入閣圖頗約其禮而簡便之凡文武官百人執仗四百人其五龍五鳳五嶽五星旗御馬皆立殿門之外

筆談

洞案

予昔領門下省會天子排正仗吏供洞案洞案者沒於前殿兩螭首間案上設燎香鑪修注官夾案立予詰吏何名洞吏辭不知予思之通朱漆為案故名曰洞耳丞相公序謂然唐人鄭谷嘗用之

景文公筆記

按伴虜使

虜使韓杞者始修聘好獲悍無檢命趙文忠公按伴公旋教覲見之儀方漸馴擾及將辭嫌朝服太長步武縈足復欲左袵公戒之曰君將

陞殿受還書去

天顏咫尺可乎剛折之纔不敢明年虜選姚東之翹
翹者也至闕復接伴東之者輕縱呈辨坐則談兵公
徐謂之曰君親多聞者豈不聞兵者不祥之器聖人
不得已而用之今得已之時也二國始以禮義修好
非君所談之事方此少戢酬對得體 玉壺清詩

交州進奉授官

交州進奉使多遣兵馬使或攝官內刺史或靜海節
度賓幕之職及其歸多加檢校官或遷其職如行軍
司馬副使之類近皆自稱王官又亦以王官命之 春
明退朝錄

北朝官

北朝書白詔紙寫用御寶印渾金鍍匣子盛 錦托裏
渾金鍍鎖鑰清 御寶印封并紅絲條 錦重黃襪白面

籤云書致于弟大契丹皇帝

闕下兄大宋皇帝封國

母即云熾大契丹皇太后籤云謹致書下云謹封冊

用紅羅襪封畢用詔帛封帶復用御寶印大中祥符
正月契丹太后喪予慰書用黃羅襪乾興元年二月
告哀亦用黃羅襪當年十月與契丹皇后生辰書却
用紅羅襪

外國書

外國書白詔帛寫亦用御寶印間金鍍匣子盛 錦托
裏間金鎖鑰封一同前 錦裏用黃綃襪封面籤云勅
某國王或某王 並蓬山志

仙源積慶圖

趙文定拜宗正掌玉謀屬籍國初梁周翰創宗籍之
制不辨宮邸公裁酌得宜又造仙源積慶圖盡列長

幼親疎之目以進於便坐張之為盛事也 玉壘清話

置宗正及教授等官

予嘗修玉牒知國家慶緒之繁衍治平中宗室四千餘人男女相半在亡亦相半親王置翊善侍講記室餘則逐官院置都講教授歲時有喜慶則燕崇政殿或太清樓命之射課其書札或賦以歌詩擇其能者而推賜器幣以旌勸之景祐三年始置大宗正司以濮王及彰化軍留後守節領其事有所奏請不得專達必宗正司詳酌而後以聞所以勉進其敦睦而糾其愆違也其後增置講書官四員別置小學教授十二員又增同知大宗正一員而置官益多其疎屬又聽其出外官則自厲而向學者彌衆矣 淵水燕談

宗子授南班官

宗子授南班官世傳王文正太尉為宰相日始開此議不然也故事宗子無遷官法唯遇稀曠大慶則普遷一官景祐中初定 祖宗並配南郊宗室欲緣大禮乞推恩使諸王官教授刁約草表上之後約見丞相王沂公公問前日宗室乞遷官表何人所為約未測其意答以不知歸而思之恐事窮且得罪乃再詣相府沂公問之如前約愈恐不復敢隱遂以實對公曰無他但愛其文詞耳再三嘉獎徐曰已得旨別有措置更數日當有指揮自此遂有南班之授近屬自初除小將軍九七遷則為節度使遂為定制諸宗子以千縑謝約約辭不敢受予刁親舊刁嘗出表藁以示予 筆談

諸王公主制中稱呼

近世諸王公主制中稱皇子皇弟皇女疑皇字相承
為例上合云弟幾子第幾弟幾女云 退朝錄

燕王贈天策上將軍

慶曆中皇叔燕王無儼薨仁宗退悼尤深詔有司
擇位號之尤羨尊者以追榮之乃特贈天策上將軍
非常典也王性嚴毅威望著於天下士民識與不識
呼之曰八大王大戎尤憚之 澠水燕談

親王公主封國

淳化五年九月真皇封壽王詔壽國升為大國在
晉國之下諸國之上景德三年二月二十二日奉
聖旨壽梁趙宋四國今後更不得封大中祥符六年
正月十九日降制衛國長公主特進封徐國長公主
楚國長公主報慈正覺大師特進封邠國長公主越

國長公主特進封宿國長公主所有徐邠宿三國特
昇為大國在衛楚越國之上 蓬山志

歷代用曆

上古以來逐朝曆名黃帝起元辛卯曆顓帝用乙卯
曆虞用戊午曆夏用丙寅曆湯用甲寅曆周用丁巳
曆魯用庚子曆秦用乙卯曆漢用大初曆四分曆三
統曆魏用黃初曆景初曆晉用玄始曆合元曆萬分
曆宋用大明曆元嘉曆齊用天保曆同章曆正象曆
後魏用興和曆正元曆正象曆梁用大同曆乾象曆
永昌曆後周用天和曆丙寅曆明玄曆隋用甲子曆
開皇曆皇極曆大業曆唐用戊寅曆麟德曆神龍曆
大衍曆元和觀象曆長慶宣明曆寶應曆正元曆景
福崇賢曆晉天福用調元曆周顯德用欽天曆

本朝 太祖用應天曆 太宗用乾元曆 真宗用
宣天曆 仁宗用崇天曆 英宗用明天曆已而復
用崇天曆 退朝錄

併省州縣 此段既在才世一卷

熙寧中廢併天下州縣迄八年九廢州軍監三十一
儀滑慈鄭集萬乾儋南儀復蒙春陵憲遼竇壁梅漢
陽通利寧化清平永康荆門廣濟高郵江陰富順漣
水宜化廢縣一百二十七 晉州 趙越 杭州 南新 普州
普康 磁州 昭德 華州 渭南 德州 德平 陵州 貴平新縣
忠州 桂溪 兗州 鄒縣 廣州 信安四會 陝府 胡威陝石
河中 河西永樂 巴州 七盤其章 坊州 昇平 春州 銅陵
北京 大名涓水涇城永濟 莫州 鄭長豐縣 梧州 戎城
邛州 臨溪 梓州 永泰 河陽 汜水 滄州 轅安臨津 融州

趙越 筆談作 趙城

轅安 筆談作 饒安

金林明豐 筆談作金 明豐林

昌陽維氏 四字宜小書

武陽羅城 象州 義化 歸州 與山 汝州 龍真 懷州 脩武
武陽 道州 永明 慶州 樂蟠華池 瀛州 東城景越 順安
高陽 澶州 頓丘 洛州 武成曲周臨洛 丹州 雲崑汾川
潞州 黎城 瓊州 舍城 火山 火山 橫州 永定 宜州 占陽
漕丹 金城述昆 汾州 考義 延州 金林明豐延水 大原
平普 隨州 光化 邢州 襄山右在縣平鄉 秦州 長道 達州
三崗 石鼓 揚州 廣陵 趙州 隆平栢鄉贊皇 雅州 百丈
榮經 同州 夏陽 嘉州 平羌 河南 洛陽福昌 陽維氏
伊闕 濱州 招安 慈州 文威吉鄉 成都 犀浦 戎州 宜賓
綿州 高昌 榮州 公井 寧化 寧化 乾寧 乾寧 真定 靈壽
井陘 荆南 建寧文江 辰州 麻陽招諭 陳州 南頓 桂州
修仁 永寧 安州 雲夢 忻州 定襄 劍門關 劍門 漢陽 漢
川恩州 清陽 熙州 狄道 河州 犯罕 衛州 新鄉 衛渝州

南川 魏州 玉城 果州 流溪 利州 平蜀 許州 許田 岢嵐

廣石 蓬州 蓬山 良山 冀州 新河 涪水 温山 閬州 晉安

岐平 復州 玉步 閬州 延陵 出筆談

新雕 皇朝類苑卷第三十三

[Faint bleed-through text from the reverse side of the page]

110X
40
15